



16 Prill, 2023

04/001

Klerikëve, Monastikëve, dhe Besimtarëve të
Kishës Orthodhokse në Amerikë,

Fëmijët e mi të shtrenjtë në Zotin,

Krishti u ngjall! Vërtet u ngjall!



“Le të pastrojmë shqisat dhe të shikojmë Krishtin që ndriçon në dritën e paafrueshme të Ringjalljes. Do ta dëgjojmë qartësisht të thotë “Gëzohuni!” (Kanonin e Pashkës, Strofa e Parë)

Kur gratë myrrmbajtëse erdhën në varr, ato u takuan nga fjalët e një ëngjëlli: “Ai nuk është këtu. Ai u ngjall.” Mari Magdalena dhe grate e tjera këtë mesazh e sollën tek apostujt. Dhe nëpër shekuj, ai mesazh është përcjellë me rradhë deri tek ne: Ungjilli i Zotit të kryqëzuar dhe të ngjallur.

“Pendohuni, se mbretëria e qiejve ka ardhur” – kjo është zemra e Ungjillit, dhe Ringjallja e Krishtit është shpërthimi i mbretërisë qiellore në realitetin tonë të rrëzuar, paraqitja dhe prova që mbretëria ka ardhur. Ringjallja e Krishtit nuk është një ngjarje e largët në të kaluarën. Është një realitet të cilin ne e gjejmë në Kishë.

Sepse mesazhi i Ngjalljes së Krishtit jo vetëm që pasohet nga brezi në brez, si një tregim apo mësim, por përcillet nëpërmjet përvojës: në pagëzim, në vdesim dhe ngjallemi me Krishtin. Në krisimim, në marrim Frymën e tij dhe bëhemi pjesëtarë të vajosjes së tij. Në eukarist ne hamë trupin dhe gjakun e tij hyjnor, që u ofrua për ne në Kryq dhe u ngrit në qiell përmes Pasionit, Ringjalljes, dhe Lartësimit. Përmes mistereve, ne futemi në një marrdhënie personale të përjetshme me Zotin e Ngjallur.

Prandaj, në kanonin pashkal të Shën Joan Damaskianit, figura që shpall Ringjalljen në besimtari nuk është askush tjetër veç Krishtit – “ne do ta shohim Krishtin të ndriçojë në dritën e paafrueshme të Ringjalljes. Do ta dëgjojmë qartësisht të thotë: Gëzohuni.” Ai ka zgjedhur shërbëtorë vdekatarë të shërbejnë misteret e tij dhe t’i ofrojnë për ne, por përmes mistereve – nëse pendohemi, “duke pastruar shqisat” nga preokupimet mëkatore me gjëra të botës – atëherë do të takohemi me vetë Krishtin.

Ky takim na mbush me gëzim, sepse është një shijim paraprak i mbretërisë, ku të drejtët gjithmonë do të ngazëllesh në dritën e pastër të Ringjalljes, ku pushteti ndryshues i Ringjalljes do të njihet në plotësi, ku Krishti do të shihet, jo si në një pasqyrë të errët, por sy më sy.

Krishti u ngjall, të dashur fëmijë! Vdekja, mëkati, ferri, bota, djalli – të gjitha zhduken të mundura. Krishti vetë është para nesh në mbretëri, në qiellin e ri dhe në token e re, dhe ne këndojmë këngën e fitores “Krishti u ngjall!”

Të gjithë së bashku paçim këtë himn në zemrat tona gjithë vitin dhe gjatë viteve, duke ditur se Ringjallja e Krishtit është sundimi mbi çdo dhimbje dhe brengë, fundi i pushtetit të Satanait dhe i mëkatis dhe thyerjes, dhe fillimi i një realiteti që nuk ka fund: mbretëria e Atit, e Birit, dhe Shpirtit të Shenjtë, në jetë të jetëve.

Ju përshëndes me gëzimin e padështueshëm, të pamundshëm, dhe të pafund, të Pashkës së Zotit.
Mbetem,

I juaji në Krishtin

+TIKHON

Kryepeshkop i Uashingtonit

Metropolitan i Gjithë Amerikës dhe Kanadasë